


نسر الجنوب الشاعر موسى جعفر



ياطوفة الأقصى المبارك طوفني
عالمركه والصهينه والخينه
غزه الكرامه والشرف عنونها
وراس الكرامه والشرف ماينحني
عالكنيسه توحشنو وصلبانها
وهذو الجوامع عالجرس والميذنه
ودمروا البيوت عاسكانها
شياطين اكثر شيطنه من الشيطنه
وبلعت حقوق الانسانيه لسانها
كرامة وحوش الامركه والصهينه
بيساعدوا غزه الإبا بأكفانها
وغزه مابدها مساعدة بالاكفنه
اطفالها وشيوخها و نسوانها
بأشرف وأطهر تراب مكفني
بس المراجل ماخلص طوفانها
ورح يدفع الجزار حق الوحشنه
وحق جرم الوحشني وطغيانها

تتحرر فلسطين من سجانها

ومايظل صهيوني على وجه الدني

.....

شنت الدنيا دم من غزه اكيد

وشنت عيون الانسنه دموع ونهيد

وفي ناس لو شنت كرامات الدني

من دون خجاله بيلبسو برنص حديد

أسمع يا غول الغطرسه والصهينه

مهما كبر أجرامك بتبقى زهيد

ومهما تشتي عالطفالي وحسنه

دم الطفالي عليك حايشتي وقيد

غزه ياسفاحين مش رح تنحني

من تحت سابع أرض رح تخلق جديد

وكلما انفجر طوفان ضد الشيطني

بتكون دمعة إم عملت إنفجار

مع كل نقطة دم نزلت من شهيد

.....

المستشفى الأهلي المعمداني

.....

وحوش ال على قتل الطفوله تعودو

مجزرة مشفى المعمداني تعمّو

ورمّد ضمير الأدميه وانتحر

مثل ما أطفال غزه رمّو

بالكنيسه دق ناقوس الخطر

للموت كل النازحين تجندو
الإشلاء شلحو بالمقابر والحُفَر
وظلعو بجنات الخلود يعيدو
فلسطين شمس التضحية وغرّه قمر
وبلسان كل ال قاومو واستشهدو
بيتعمدو بالمي أطفال البشر
لكن فلسطين البطوله والصمود
بدماتهم أطفالها بيتعمدو

.....

